

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

Epistola CCCXV. Ioannis Papae VIII. Ad Episcopos In Regno Lvdovici Regis Baioariae Constitvtos. Arguit eos quod Ludouicum regem ab inuadendo Caroli fratris absentis regno non cohibuerint, monetque vt ...

urn:nbn:de:hbz:466:1-15967

EPISTOLA CCCXV.

IOANNIS PAPÆ VIII.

AD EPISCOPOS IN REGNO LVDOVICI
REGIS BAIOARIÆ CONSTITVTOS.

Arguit eos quod Ludouicum regem ab inuadendo Caroli fratri absentis regno non cohibuerint, monetque ut legatis, quos ad examinanda inter vtrosque negotia mittit, satisfacere studeant.

Ioannes episcopus seruus seruorum Dei, omnibus reuerentissimis & sanctissimis archiepiscopis & episcopis in regno Hludouici glorioſi regis Baioariæ constitutis.

APOSTOLICÆ moderationis ordinem sequimur, si ecclesiārum Dei solitudinem retinentes, pro domo spiritalis Israelis murum correctionis opponimus, & concordantes animos, aut sub ecclesiasticæ pacis vniōne complectimur, aut discordes ad concordiæ gratiam reuocamus, aut certe inter nos & illos qui apostatae angeli, zizanii scilicet seminatoris, fraudibus irretiti, sanctæ sedi apostolicæ concordare despiciunt, sartaginem ferream iuxta Ezechieli prophetæ magisterium collocamus. Reuersurus enim ad Patrem Dominus pacis bonum discipulis attentius commendauit; eamque quasi testamentum firmissimum futuris heredibus dereliquit, dicens: *Pacem meam do vobis, pacem relinquo vobis.* & beatus apostolus Paulus ait: *Solicieti seruare unitatem spiritus in vinculo pacis. unum corpus, & unus spiritus, sicut vocati estis in una spe vocationis vestrae.* quia videlicet ad vnam vocationis spem nequaquam pertingunt, si non ad eam cum proximis unitate mente curratur. Quapropter sicut filii Dei, qui ex testamento eius sibi per apostolos derelicto pacem custodiunt, ita nimirum diaboli sunt filii, qui pacem confundunt. Ille quippe ab initio mendax fuit, & in veritate non stetit, eiusque inuidia, sicut scriptum est, mors introiuit in orbem terrarum. Nam dum protoplastis inuidēs, deceptionis laqueum iam deceptus vtique a semetipso composuit, mortis poculum mortalibus propinavit: & quos immortales obedientiæ merito futuros nouerat, inobedientiæ venenis infecit, sicque in omnes homines mortis sententiam vitæ hostis indu-

*Ezech. 4.**Ioan. 14.**Ephes. 4.**Sap. 2.*

induxit. Denique eisdem laqueis, quibus protoplastos de-
ceperat, adhuc Adæ filios iugulat, & odio suæ ambitio-
nis fraterna corda dissociat. ita ut quos vnum patris femur
tenuerat, iam Galliæ omnes non capiant, fraternalis pro-
uectibus frater inuidet, & quem monitis apostolicis sæ-
pius etiam in durissimis casibus obsequentem sequi despe-
xerat, hunc a sede apostolica sibi prælatum doleat. imo
ut Cain fratris hostia, scilicet obedientia, stimulatus, con-
tra fratrem frendens occurrat: fideles eius fraudibus diuer-
sis inficiat, ad peierandum terribilis Dei nomen impellat,
pacem regni diuturno fratris studio radicatam corrumpe-
re gestiat, & lactatus a peccatoribus, suis dumtaxat com-
plicibus acquiescens, pedes suos ad malum currere faciat,
madentibus adhuc campis Fontanicis, quos in iuuentu-
te sua humano sanguine tinixerat, in senectute decrepita,
minarum & cædis spirans, ad fundendum Christianorum
multorum sanguinem pro sua singulari ambitione discur-
rat. Et qui amore fratris a sede apostolica obedientiæ suæ
merito benedictionem sperare, suumque piis operibus
propagare debuerat, alterius regnum peruicaciter sibi suis
armis subiugare desiderat, scilicet ut quos armis acquirit,
ditione poslideat, & colla vetustæ libertatis ingenua no-
ua seruitute prosternat. Quis hoc, dilectissimi nobis, nisi
antiquus humani generis aduersarius, inter tales ac tan-
tos fratres, quos nos pari spiritus amore complectimur,
per suos satellites operatur? qui dum bonorum prouecti-
bus inuidet, in agro sanctæ Dei ecclesiæ semper zizania se-
minare contendit. Quis hoc, carissimi, nisi diabolus ope-
ratur? qui Caroli virtutibus ab ineuntis ætatis principiis
inuidens, eiusque religiosum propositum longius propa-
gari pauescens, leuibus primo iaculis, quamquam fre-
quentibus, lacessiuit: deinde aduersitatibus multis, quasi
durissimis arietibus stimulauit. fideles eius frequentissi-
me rebellare suasit: in procinæ contra Northmannos
pro ecclesiæ Dei liberatione pugnanti, & inimicos cru-
cis Christi vsque ad ultimam deditiōnem constringere sat-
agenti, senioris vestri vtrimeque animum ad inuasionem
relikti imperii suscitauit: ipsos familiares, ipsum postremo
filium, ad eius extinctionem hostiliter prouocauit. Et ne
quandoque ad imperium, quod ei constat non humano

Concil. Tom. 24.

Z z

collatum beneficio , licet per nostræ mediocritatis ministerium , sed diuino , pertingere potuisset , tota fraudu- lentiæ suæ virtute prohibuit , tota consilii sui versutia de- bellare contendit . Sed Deus omnipotens , cuitis prouiden- tia per mutabilium rerum principes mundi latitudo guber- natur & regitur , hunc flagellis erudiri voluit , deprimi pe- nitus , sicut vobis est cognitum , nunquam permisit . Et afflitiones sanctæ suæ ecclesiæ per eum specialiter , sicut di- uinitus reuelatum fuerat , & nunc veraciter credimus , tan- dem aliquando releuare contendens , hunc , a decessori- bus nostris , reuerendæ scilicet memoriae Nicolao & Ha- driano pontificibus , diu quidem desiderari voluit : tan- dem usque ad hæc periculosissima tempora , quibus a Be- lial filiis pene tota vallatur Italia , misericorditer referua- uit , angelicis ductibus vias eius per inuia loca direxit , fru- stratis infidiis ei compositis liberauit , paludes lubricas equitabiles reddidit , vada profundorum fluminum mul- tis fæculis incognita transmeabilia demonstrauit . ei ele- mentis contra naturam cedentibus diffidentium corda perterrituit . non solum sine sanguine , verum etiam cum magnis honoribus , hinc inde gaudentibus populis , Ita- liam penetrare permisit , & per apostolicæ sedis priuile- gium , cunctorum fauoribus approbatum sceptris impe- rialibus sublimauit . vt qui per tot annos , communibus pec- catis merentibus , pro defectibus sanctæ Dei ecclesiæ diuer- sis modis affligimur , per eius solitudinis expertam pru- dentiam consolemur , per quem Gallicanarum ecclesiarum status , & totius religionis vigor illis in partibus plau- sibiliter refloruisse cognoscitur . Hæc itaque hostis humani generis futura prospera præcauens , dilecti filii nostri Hu- douici gloriose regis vestri , si tamen filius dici meretur , qui apostolicæ sedis monitis per antecessores nostros , perque nos ipsos prolatis , semper inobedientissimus extitit , si gloriosus dici debet , cui contra Christicolas bella geri pla- cuit nullos habitura triumphos , si rex dici potest , qui se- metipsum regere noluit , quo minus contra fratris absen- tiæ inglorius pugnauisset , animos incitauit , vt neque di- uinum timorem præ oculis retinens , neque imminens sibi iudicium prouectæ senectutis agnoscens , neq; sanguinis af- finitatē , fraternaque pacta perpendens ; sed neque Christia-

næ religionis disciplinam custodiens, tam decessorum nostrorum scripta, quam recentia nostra monita, contra morum religiosorum principum, & quod est mirabilius, contra consuetudinem tyrannorum veterum, paruipendit, & indicum sibi a nobis tempus cum mediantibus nobis cum fratre iure paciferetur, præripiens, quantum in se fuit, per vestram negligentiam siue condescensionis audaciam, fratris absentis regnum peruersit, ac per hoc totius ecclesiæ Dei pulcritudinem maculauit, pacem corruptit, religionem fugauit, & vt cum Terentio compendiose dicamus, dum in alieno bonorum extortor & legum contortor apparuit, cunctis criminibus licentiam relaxauit. Nos etenim, quamuis illum, quem interim filiolitatis amore complectimur, oppido reprehensibilem non negemus, vos tamen multo reprehensibiores agnoscimus, qui in illis partibus sacerdotali magisterio prædicti, & apostolatus nostri recentibus monitis instituti, dum ex officio vestro restitisse libere nunquam videmini, procul dubio confensisse probamini. & vos qui pastores dicimini, gregem vobis creditum quia non retraxistis, vtique ad præcipitum prouocastis. Et ubi est, quæsumus, quod vicem Christi in ecclesia fungimur, si pro Christo contra insolentiam principum non luctamur? præsertim cum secundum Apostolum non sit nobis colluctatio aduersus carnem & sanguinem, sed aduersus principes & potestates? Vbi est quod episcopi dicimur, si de sublimibus ecclesiasticæ discretionis speculis gladium venientem non cernimus, cernentes vt deuitetur annuntiare diffugimus? Enimuero sacerdotes non ad gratiam, sed ad pompam immerito dici cognoscimur, si quos docere debuimus sequi contendimus, si quos corrigere debuimus, saltem verbis pastoralibus non terremus. Hinc Dominus per Isaiam prophetam sacerdotum taciturnitates increpat dicens: *Canes muti, non valentes latrare.* Hinc per Ezechiem sacerdotum negligencias arguit dicens: *Non ascenditis ex aduerso, neque oppofuitis murum pro domo Israel, ut staretis in prælio in die Domini.* Ex aduerso quippe ascendere est, pro defensione gregis libera voce huius mundi potestatibus contraire: & in die Domini in prælio stare est, prauis decertantibus ex iustitiae amore resistere. Quod rursum per eumdem pro-

Concil. Tom. 24.

zz ij

Ephes. 6.

Ezch. 13.

Ezech. 3.

phetam deterret inquiens: *Sinon annuntiaueris iniquo ini-quitatem suam, sanguinem eius de manu tua requiram.* Quid ad hæc dicemus, fratres? Forsan ideo vos excusabiles creditis, quia regem non arguendum dicitis, sed monendum. Ad hæc apostolica tuba respondet: *Obedire oportet Deo magis quam hominibus.* & Paulus Timotheo: *Argue, obsecra, increpa, in omni patientia & doctrina.* Item Tito: *Divitibus huius sæculi præcipe non superbe sapere, neque sperare in incerto divitiarum suarum.* Aut persecutionem quamlibet præcauistis. Sed a Domino iussum est ita: *Cum vos persecuti fuerint in una cinitate, fugite in aliam.* Aut mortem, quæ cunctis vltima poena est, timuistis. Sed idem Redemptor noster in euangelio nos hortatus est dicens: *Nolite timere eos qui occidunt corpus, animam autem non possunt occidere.* Verum quia nihil horum, quia nec inferendum vobis ab aliquo fuerat, timuistis, restat procul dubio, quia non solum secundum prohibitionem sedis apostolicæ compatriotas vestros ab inuasione regni alterius sacerdotaliter non vetuistis, imo cupiditati eorum vestri fauoris coniuentiam sociantes, quasi puluillo sub cubito eorum manuum consuistis, & illud Væ vobis propheticum maturastis, quo dicitur: *Væ his qui consuunt puluillos sub omni cu-bitu manus, & faciunt ceruicalia sub capite uniuersæ ætatis ad capienda animas.* Quasi enim puluillo cubitus, vel ceruicibus caput iacentis excipitur, dum correctionis duritia peccanti subtrahitur, eique mollities fauoris adhibetur, vt in errore molliter iaceat, quem nulla contradictionis asperitas pulsat. Sed hæc rectores qui semetipsos diligunt, his procul dubio, iuxta quod beatus prædecessor noster Gregorius meminit, exhibent, a quibus se minus posse studio gloriæ temporalis timent. *Quid igitur, fratres, si tamen adhuc fratres dici meremini, qui sedis apostolicæ salubria monita contemnentes pro Christo legatione functi non estis, vobis agendum est, nisi vt tandem aliquando, cum sancta sede apostolica sentientes, tam dilectum filium nostrum Hludouicum regem vestrum, quem paternis affectibus adhuc complectendum decernimus, quam cunctos illius regni subditos, voce libera moneatis, & ab inuasione siue oppressione imperii dilecti filii nostri Caroli semper Augusti penitus compe-*

*Ail. 5.**2. Tim. 4.**2. Tim. 6.**Matth. 10.**Matth. 10.**Ezech. 13.*

scatis? nunquamque de reliquo, siue blandimentis, siue terroribus, consensum quemlibet fauoremve præstetis ad funestum prælium conferendum, & Christianorum sanguinem profundendum, si non vultis, amissis sacerdotalibus infulis, ab apostolica communione præsentialiter sequestrari, & perpetuis anathematis vinculis, quod nunquam cupimus, obligari? Nam cuiuscumque sit gradus, ordinis, sublimitatis, siue professionis, qui cum præsentibus legatis nostris, Ioanne Siculensi, itemque Ioanne Tuscanensi, venerabilibus episcopis, quos vice nostra illas in partes ad examinanda simulque diffinienda canonice siue legaliter, quæ hoc anno inter vtrosque emersere negotia, conuenire in loco ab eis designato, eisque satisfacere humiliter detrectauerit, auctoritate Dei omnipotentis, sanctorumque apostolorum Petri & Pauli, nostræque mediocritatis, veniam sibi deinceps nouerit denegari. nec amo do communionis nostræ, vt verbis sanctissimi nostri prædecessoris vtamur, futurum esse consortem, quisquis esse noluerit disciplinæ. Optamus sanctitatem vestram sedis apostolicæ monitis obsequentem semper in Christo bene valere. Recitata in Synodo Pontigonensi.

EPISTOLA CCCXVI.

IOANNIS PAPÆ VIII.

AD COMITES IN REGNO LDOVICI REGIS
BAIOARIÆ CONSTITVTOS.

Arguit eos, quod Caroli regnum peruadere tentarint; monetque vt Ludouicum regem ab ea mente reuocent, & vt legatis, quos mittit, satisfacere non detrectent.

Ioannes episcopus seruus seruorum Dei, omnibus gloriofis comitibus in regno Hludouici regis Baioariæ constitutis.

MINISTERII nostri est, vniuersalis ecclesiæ Dei sollicitudinem, secundum beati Pauli apostoli sententiam, circumferre, & quid in qualibet mundi parte congruat, siue non congruat, censoria grauitate depromere: quatinus oues dominicæ, quæ vocem pastoralis nostræ sollicitudinis cognoscentes, pastorum principem humiliter

Z z iij